

TLANAUATILI TLEN NOCHI MASEUALMEJ UELI MOTLATSKISEJ IPAN OJTILI PROCESO ELECTORAL LOCAL 2020-2021.

IUKAL SIUAMEJ UAN TLAKAMEJ

Ni maseualnechikoli, tlen sansejko tekitiaj, tlen san se kipiay icandidato uan nojkia candidaturas independientes, ipan nochi ininamajtlajlanilis tlen mosenkaua kej candidatura ma mokualchijchius Congreso del Estado de Hidalgo, moneki ma kinsenkauakaj ueli tekitisej siuamej ipan sense inintlapankaj: tlen nelmoneki tikiluij sustantiva, tlen iukal tikichmatijkej horizontal uan tlen achi uejkapa uala tikiluij vertical tlaj ijkinoy, uan nojkia tlen mosenkaua ipan ni Tlanauatili.

MASEUALIXNEXTILISTLI

A) DISTRITOS IKA MASEUALTSITSIJ

Ni Distritos ika Maseualtsitsij elij kampa miakij maseualmej onka tlen maseualtsitsij 50 por ciento moixmatij kej maseualtsitsij, uan ika ni ojtli proceso ya ni: Distrito 02 Zacualtipán de Ángeles, Distrito 03 San Felipe Orizatlán, Distrito 04 Huejutla de Reyes uan Distrito 05 Ixmiquilpan.

Ni Tekikalko Instituto kitlachilis tlaj maseualmej tlen moixpantiaj ika maseualnechikoli, tlen sansejko tekitiaj, tlen san se kipiay icandidato uan nojkia candidaturas independientes ipan Distritos ika Maseualtsitsij moixnextis se maseuali tlen moixmati kej maseualtsitsi, uan nojkia moneki ma kuali kisas ipan nochi tlayejyekoli tlen kitokachtiaj estándar de adscripción calificada ya ni kijtosneki kena maseualtsitsi, uan ni moitas kema mochiuas candidaturas iamajtlalili.

Ipan Distritos Electorales Indígenas san kuali moitas candidaturas independientes tlen melauak kisas kej maseualtsitsi ika tlen nesi ipan ni Tlanauatili.

B) DISTRITOS MIXTOS

Ni Distritos Mixtos elij kampa achi onka tlen 40 por ciento uan achi kentsi tlen 50 por ciento maseualmej moixmatij kej maseualtsitsij, uan ipan ni ojtli proceso mopantiaj ni: Distrito 01 Zimapán, Distrito 07 Mixquiahuala de Juárez uan Distrito 09 Metepec.

Ni Tekikalko Instituto Electoral kitlachilis ma, tlen nochi maseualmej tlen kijnekij tekitisej ipan 3 Distritos Mixtos, se maseuali tlen moixmatij kej maseualtsitsi uan kinextis kenijkatsa kisatoj ipan tlayejyekoli estándar de adscripción calificada, moneki kinpanextis ika sensen, se elis propietario (a) uan ika xoxolka kisenkauas maseualnechikoli, tlen sansejko tekitiaj ipan Distrito.

Ipan Distritos Mixtos san ueli kuali moitas candidaturas independientes tlaj kipanextia se maseualtsitsi uan tlaj panos tlayejyekoli estándar de adscripción calificada, ika seyok maseuali, uan kinkauilis ma tekijij candidatura tlen kitsontlanana noso ajkiya suplente yani moitas tlaj mosenkajtok ipan candidaturas amatlalili.

AUTOADSCRIPCIÓN ISELTIMOPANEXTIA

Kemaj se maseualtsitsi kijtousa kena ipatiixnexka, moneki kinextis iamajtlajlanilistli tlen maseualtsitsi candidatura amatlalili, ika se amajtlajkuiloli noso ika se amatl tlen Tekikalko Instituto kitemakas.

SENKAUAPANEXTILISTLI

Maseualtlanauatili moneki mosenkauas ika altepeko noso chinankomej, ika ni, tlaj kuali kisaj ipan ni kamanali, san kikixtisej chinanko sentilistli noso ueytatamej, tlen kitlaliytokej melauak ika chinanko tlanauatili noso maseualaltepetsitsij, ueli amo tlaj eli Delegado, Subdelegado, Presidente de Comunidad, Autoridad Municipal Auxiliar.

IPAN MASEUALTSITSIJ IUKAL SIUAMEJ UAN TLAKAMEJ

Ni maseualnechikoli, tlen sansejko tekitiaj, tlen san se kipiay icandidato moneki kinsekauasej ueli nochi motlatskisej ipan Distritos Indígenas uan ipan Distrito Mixto tlaj kiixpantisej maseualtsitsi kej propietaria noso propietario, ika ni, tlen achi miak amatlajtlanilistli ipan amatlalili, achi miak kitsontlananasej maseualsiuamej uan tlen mokaua kitsontlananasej maseualtlakamej. Tlaj mopanextis 5 maseualtsitsi candidaturas kiyekanas, 4 ipan Distritos Indígenas uan se ipan Distrito Mixto, ijkinoy mosenkauaj iukal siuamej uan tlakamej kej maseualtsitsij, moneki mopanextisej 3 maseualsiuamej kej propietarias uan ipan 2 tlen mokaua maseualtlakamej kej propietarios.

IXNEXTILISTLI SIUAMEJ UAN TLAKAMEJ TLEN AXKUALI KIPIAJ ININTLAKAYO

Sense maseualnechikoli, tlen sansejko tekitiaj, tlen san se kipiay icandidato moneki



kipanextis se pilnechikoli kampa onkas se maseuali tlen axkuali kipia itlakayo ipan 2 (ome) achtoui ipan Tekpantli "A" ika ni principio proporcionalidad tlen moixnextia, Yani kijtosneki siupropietaria noso tlakapropetario iuaya isuplente monekij nochi ome siamej noso nochi ome tlakamej uan axkuali inintlakayo. Uan tlaj propietario eli se tlakatl uan axkuali itlakayo, uajka ueli isuplente elis se siuatl tlen axkuali itlakayo.

Ni tlamantli amo kitsakuiltis ika principio de representación proporcional.

KENIJKATSA MOSENKAUAS TLAJ AXKUALI KINPIAJ ININTLAKAYO

Ma moamatlasej maseualmej tlen axkuali kipiaj inintlakayo moneki monextis se amatl tlen kiuasanitok se tepajtijketl, ika sense maseuali ipan se pilnechikoli, uan moneki kisas tlen se maseualtekikalko noso kampa motlaxtlaua uan tlauek kimatij tlen nompá kamanali uan nochi kintlepanitaj, kampa nesis tepajtijketl kiixmati axkuali kipiaj itlakayo tlaj nochipa ijkinoy itstos uan tlakiya kokolistli kipia.

IXNEXTILISTLI SIAMEJ UAN TLAJ AXKUALI KINPIAJ ININTLAKAYO 30 IXIUITL

Tlaj mopanextisej candidaturas ika Diputaciones Locales tlen maseualnechikoli, tlen sansejko tekitiaj uan tlen san se kipiaj icandidato moneki kinsekauasej iamajtlalili ika se pilnechikoli tlen siamej noso tlakamej tlen axkinkaxixitjtokej 30 xixiuitl ipan tonali mochiuas uasanilistli, ueli mopejpenis tlaj mochiuas ipan Distritos ika miak noso ome (ome) achtoui Tekpantli "A" tlen representación proporcional.

TLAKIYA MOITAS MAMOMSENKAUAS NI PEUALISTLI KAMPA IUIKAL SIAMEJ UAN TLAJ AXKUALI KINPIAJ ININTLAKAYO UAN MASEUALMEJ TLEN AXKUALI KINPIAJ ININTLAKAYO 30 IXIUITL

Maseualnechikoli kisenkauas uan kinmatiltisej nochi tlamantli ika ueli motlepanitas ma tekitisej siamej uan tlakamej ipan candidaturas kemaj peuas uan asta kemaj tlamis uan motsakuas amajtlalili tlen san se candidato kipia.

KENIJKATSA MOMOYAUAS IUIKAL TOMIN

Ni maseualnechikoli, tlen sansejko tekitiaj, tlen san se kipia icandidato, kintemakasej nochi kualtiloli ma onkas tomin ika campaña iukal ika candidaturas tlen tekitisej ma motlatskisej ipan Congreso Local, motemakas 50% tlen tomin siamej uan 50% tlakamej.

PATLALISTLI TEIPA KEMAJ MOTEMAKAK AMAJTLALILI

Patlalistli tlen kipanextiaj maseualnechikoli, tlen sansejko tekitiaj, tlen san se kipia icandidato uan independientes, san mochiuas kemaj temakatok amajtlalili kisenkauas nochi kualtiloli tlen ika mopejki.

PILNECHIKOLI TLEN AXMOKAXITIA

Tlaj se maseualnechikoli, tlen sansejko tekitiaj, tlen san se kipia icandidato noso candidatura independiente kiamajtlalis pilnechikoli tlen axmokaxitia, ni Tekikalko kiyolmelauas ma kisenkauas ika tonalpa.

TLAJ AXMOTLEPANITAS NI TLANAUATILI

Tlaj kemaj motlachilis tlaj kuali mosenkajtok moitas axmotlepanitak ni Tlanauatili. Ni Ueyitekikalko Secretaría Ejecutiva ueli kiyolmelauas ika amatl noso ipan tepostinij maseualnechikolistli, tlen sansejko tekitiaj, tlen san se kipia icandidato uan candidatura independiente tlen moneki ma ipan teipa eyi tonali kemaj moyolmelajki kikualchijchiuas tlen moneki. Tlaj motlami eyi tonali tlen achtoui moijtök uan axmochijtok kualchijchiuas sempa kitemakasej ome tonali, moitas ika yolmelaualistli, ma mochiuas tlen moneki.

Nochi tlamantli tlen axmoijtöua ipan ni Tlanauatili kisenkauas ni Consejo General, ma motlepanitas maseualmej inintechpouilis kej ni kuali tlachiualistli tlen motlatskia nika.

